



Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Broj: 27-03-34-35142/22
Sarajevo, 20.09.2022. godine

UNIVERZITET U SARAJEVU
Obala Kulina bana 7/II
71 000 Sarajevo

PREDMET: Saglasnost na dopunu teksta Konkursa za upis studenata u prvu godinu studija na Univerzitetu u Sarajevu u akademsku 2022./2023. godinu od 13.06.2022. godine, dostavlja se
VEZA: Vaš akt, broj: 0101-9461/22 od 12.09.2022. godine

Ministarstvo za nauku, visoko obrazovanje i mlade Kantona Sarajevo zaprimilo je Vaš akt, broj i datum gornji, kojim ste zatražili saglasnost na dopunu teksta Konkursa za upis u prvu godinu studija na Univerzitetu u Sarajevu u akademskoj 2022./2023. godini i to u dijelu Konkursa kojim su utvrđeni prijavni rokovi za stručni studij, prvi ciklus studija i integrisani studij, a koji konkurs je objavljen dana 13.06.2022. godine.

U postupku koji je prethodio Ministarstvo za nauku, visoko obrazovanje i mlade Kantona Sarajevo je cijenio navode zahtjeva Univerziteta u Sarajevu, broj:0101-9461/22 od 12.09.2022. godine i Inicijative Udruženja Studentski parlament Univerziteta u Sarajevu, broj: 100/22-23 od 05.09.2022. godine, izvršilo uvid u prethodnu saglasnost ovog ministarstva, broj: 27/03-34-18585-1/22 od 10.06.2022. godine, uvid u Odluku Vlade Kantona Sarajevo, broj: 02-04-23327-8/22 od 09.06.2022. godine o broju i strukturi studenata/kandidata za upis u prvu godinu stručnog studija, prvog ciklusa i integriranog studija, drugog ciklusa studija i specijalističkog studija na Univerzitetu u Sarajevu u studijskoj 2022./2023. godini, uvid u odluke Senata Univerziteta u Sarajevu broj 01-12-11/22 od 09.09.2022. godine i broj: 01-12-12/22 od 09.09.2022. godine, te utvrdilo sljedeće.

Članom 106. Zakona o visokom obrazovanju obrazovanju ("Službene novine Kantona Sarajevo", br.36/22)(u daljem tekstu: ZVO) propisano je da konkurs za upis studenata za upis u prvu studijsku godinu na visokoškolsku ustanovu, objavljuje visokoškolska ustanova uz prethodnu saglasnost Ministarstva, najkasnije 60 dana prije početka studijske godine. Međutim, pitanje dopune ili izmjene konkursa u pogledu roka predstavlja svojevrsnu pravnu prazninu, u situacijama kada je npr. potrebno iz tehničkih razloga izmijeniti sadržaj konkursa ili pak kada visokoškolska ustanova, kao jedina nadležna u okviru akademske samouprave i prava na utvrđivanje pravila studiranja i uslova upisa studenata, procijeni da postoje osnovani i opravdani razlozi da se raspiše dodatni prijavni rok za upis.

Ministarstvo za nauku, visoko obrazovanje i mlade Kantona Sarajevo u konkretnom slučaju cijeni da senat kao najviše akademsko tijelo ima odgovornost za akademska pitanja u visokoškolskoj ustanovi, te da u svom djelovanju ima nadležnost da odlučuje o svim akademskim pitanjima na prijedlog stručnih tijela organizacione jedinice i predstavničkog tijela studenata (član 61. stav (2)



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

ZVO). U tom smislu, Ministarstvo zaključuje da je Senat Univerziteta u Sarajevu našao osnovane i opravdane razloge da u okviru svojih mogućnosti udovolji inicijativi Udruženja Studentski parlament Univerziteta u Sarajevu, pa je donesena Odluka, broj: 01-12-12/22 od 09.09.2022. godine u kojoj je utvrđen prijedlog za raspisivanje dodatnog prijavnog roka za upis studenata u prvu godinu prvog i drugog ciklusa studija na Univerzitetu u Sarajevu u akademskoj 2022/2023. godini, a kojoj odluci je prethodila Odluka Senata Univerziteta u Sarajevu, broj: 01-12-11/22 od 09.09.2022. godine sa obrazloženjem o mogućnosti organiziranja septembarskog ispitnog roka u jednom ili više termina za polaganje svih ispita iz oba semestra, što je novina prema ZVO.

Kroz pravo na utvrđivanje pravila studiranja i uslova upisa studenata ostvaruje se akademska samouprava visokoškolske ustanove na kojoj se zasniva djelatnost visokog obrazovanja, a koja djelatnost je od posebnog općeg značaja i javnog interesa za Kanton Sarajevo i bosanskohercegovačko društvo, te posebnog interesa za Bosnu i Hercegovinu shodno Okvirnom zakonu o visokom obrazovanju u Bosni i Hercegovini ("Službeni glasnik Bosne i Hercegovine", broj 59/07).

U smislu prednjeg, na prijedlog najvišeg akademskog tijela Univerziteta u Sarajevu kao visokoškolske ustanove od posebnog opšteg i javnog interesa za Kanton Sarajevo i bosanskohercegovačko društvo, primjenom odredbe člana 4. Okvirnog zakona o visokom obrazovanju u Bosni i Hercegovini ("Službeni glasnik Bosne i Hercegovine", broj 59/07), a u vezi sa članom 10. stav (2) pod b) i članom 98. ZVO, Ministarstvo daje saglasnost na objavu dopuna Konkursa za upis studenata u prvu godinu studija u studijskoj 2022./2023. godini.

Ministarstvo za nauku, visoko obrazovanje i mlade Kantona Sarajevo, podsjeća da je elemente konkursa za upis studenata i to: broj kandidata koji će se finansirati iz Budžeta Kantona Sarajevo i broj kandidata koji plaćaju školarinu utvrdila Vlada Kantona Sarajevo, Odlukom, broj: 02-04-23327-8/22 od 09.06.2022. godine te realizacija saglasnosti koja se daje ovim aktom ni u kojem slučaju ne smije imati posljedicu promjenu broja i strukture studenata utvrđenu navedenom odlukom Vlade Kantona Sarajevo i Odluke Senata Univerziteta u Sarajevu, broj: 01-6-3-/22 od 27.04.2022. godine. Pored toga, navedenom odlukom Vlade Kantona Sarajevo obavezan je Univerzitet u Sarajevu da Vladi Kantona Sarajevo dostavi metodologiju utvrđivanja upisnih kvota na organizacionim jedinicama, pa koristimo priliku da vas podsjetimo na navedeno.

S poštovanjem,

MINISTRICA

Prof. dr. Aleksandra Nikolić



Dostaviti:

- Naslovu;
- A/a.

Azra Ivazović, pomoćnica ministricе

Sekretarka: Belma Trajkov



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

2/2